

POGLAVLJE 6: PRAVO PRIVREDNIH DRUŠTAVA

Ovo poglavlje obuhvata usklađena pravila u oblasti prava privrednih društava, uključujući zahtjeve u pogledu finansijskog izvještavanja, u cilju lakšeg ostvarivanja prava poslovnog nastanjivanja.

U oblasti prava privrednih društava, Direktiva o usklađivanju zaštitnih mjera koje se zahtijevaju od privrednih društava radi zaštite interesa članova i trećih strana (2009/101/EZ – bivša Prva direktiva o pravu privrednih društava) sadrži zaštitne mjere koje predviđaju obavezno objavljivanje podataka, ograničavanje osnova za ništavost obaveza koje su društva preuzela, kao i ograničavanje osnova za ništavost javnih i privatnih društava sa ograničenom odgovornošću. Slično tome, Jedanaesta direktiva o pravu privrednih društava 89/666/EEZ predviđa zahtjeve za objavljivanjem podataka koji se odnose na filijale otvorene u nekoj državi članici u skladu sa zakonima druge države. Druga direktiva o pravu privrednih društava (2012/30/EU - preinačena 77/91/EEZ) sadrži pravila o osnivanju javnih društava sa ograničenom odgovornošću, te održavanju i promjeni njihovog kapitala. Dvanaesta direktiva o pravu privrednih društava 2009/102/EZ predviđa da države članice obezbijede da njihovo domaće zakonodavstvo prepozna jednočlana društva sa ograničenom odgovornošću.

Direktiva 2011/35/EU (koja zamjenjuje Direktivu 78/855/EEZ, bivša Treća direktiva o pravu privrednih društava) i 82/891/EEZ (Šesta direktiva o pravu privrednih društava) usklađuju nacionalna pravila za zaštitu akcionara i povjerilaca u slučaju domaćih spajanja i podjelu javnih društava sa ograničenom odgovornošću. Direktiva 2009/109/EZ uvodi pojednostavljeno izvještavanje i potrebnu dokumentaciju u slučaju spajanja i podjele. Deseta direktiva o pravu privrednih društava 2005/56/EZ o prekograničnom spajanju društava sa ograničenom odgovornošću sadrži pravila i procedure za olakšavanje prekograničnih spajanja javnih i privatnih društava sa ograničenom odgovornošću. Trinaesta direktiva o pravu privrednih društava 2004/25/EZ o ponudama za preuzimanje predviđa usklađena pravila za olakšavanje prekograničnog preuzimanja unutar EU, kao i unaprjeđenje transparentnosti i zaštitu manjinskih akcionara u slučaju takvih preuzimanja. Direktiva 2012/17/EU o povezivanju centralnih i komercijalnih registara, kao i registara privrednih društava propisuje uspostavljanje sistema za povezivanje registara privrednih društava, koji sadrži evropsku centralnu platformu putem koje će državni registri privrednih društava mehanizmima za objelodanjivanje podataka staviti na raspolaganje svoje podatke, te portal e-Pravosuđe.

Acquis EU također utvrđuje pojedine evropske forme pravnih lica, naročito Evropsko ekonomsko-interesno udruženje - EEIG (Uredba 2137/85) i Evropsko privredno društvo - Societas Europaea ili SE - Uredba 2157/2001), ostavljajući nekoliko aspekata njihove unutrašnje strukture i funkcionisanja da budu regulisani unutarnjim propisima država članica. Direktiva 2007/36/EZ o pravima dioničara uvodi minimalne standarde za ostvarivanje određenih prava dioničara u privrednim društvima koja kotiraju na berzi. Preporuke Komisije 2004/913/EZ, 2005/162/EZ i 2009/385/EZ i 2009/384/EZ se tiču principa korporativnog upravljanja u vezi s naknadama direktorima i naknadama u finansijskim institucijama, nezavisnosti neizvršnih direktora i upravnih odbora. Preporuka Komisije 2014/208/EU o kvaliteti izvještavanja o korporativnom upravljanju („poštuj ili objasni”) utvrđuje smjernice o tome na koji način privredna društva koja kotiraju na berzi trebaju dostaviti obrazloženja u slučaju odstupanja od preporuka iz pravilnika o korporativnom upravljanju.

Direktiva 2004/109/EZ propisuje usklađivanje zahtjeva o transparentnosti koji se tiču privrednih društava koja kotiraju na berzi.

U oblasti računovodstva i revizije, *acquis* EU sadrži pravila priznavanja, vrednovanja i objavljivanja, kao i obrasce bilanse i račune dobiti i gubitka za godišnje i konsolidovane izvještaje (Direktiva 2013/34/EU) javnih i privatnih društava sa ograničenom odgovornošću.

Ova direktiva također utvrđuje koja privredna društva trebaju proći reviziju, kao i obaveze objavljivanja. Pored toga, Uredba 2002/1606/EZ o primjeni međunarodnih računovodstvenih standarda zahtijeva da privredna društva iz EU, čije akcije su kotirane na regulisanom tržištu, izrađuju svoje konsolidovane finansijske izvještaje u skladu sa međunarodnim računovodstvenim standardima koje je usvojila Evropska unija. Na temelju ove uredbe, države članice mogu odlučiti da primjenjuju Međunarodne standarde finansijskog izvještavanja na pojedinačne i/ili konsolidovane finansijske račune privrednih društava.

Direktiva 2006/43/EZ o zakonskim revizijama usklađuje pravila, uključujući, između ostalog odobrenje i registraciju zakonskih revizora, vanjsku kontrolu kvaliteta, javni nadzor, nezavisnost revizora i mogućnost primjene međunarodnih računovodstvenih standarda (MRS). Direktiva 2014/56/EU o izmjeni Direktive 2006/43/EZ utvrđuje dodatne zahtjeve za unaprjeđenje kvaliteta revizije sa naglaskom na nezavisnost revizora, revizorske izvještaje i javni nadzor revizora. Nova Uredba 537/2014/EU uvodi specifične zahtjeve u pogledu zakonske revizije lica od javnog interesa. Lica od javnog interesa su privredna društva, kreditne institucije, osiguravajuća preduzeća i drugi subjekti koji su kao takvi utvrđeni u državama članicama. Uredba također utvrđuje posebne zahtjeve o organizaciji sistema javnog nadzora za revizore i revizorske firme koje vrše reviziju lica od javnog interesa.

I. PRAVO PRIVREDNIH DRUŠTAVA

A. Pravni okvir

Prva direktiva o pravu privrednih društava (2009/101/EZ) o koordinaciji zaštitnih mjera radi zaštite interesa članica i ostalih, odnosi se na privredna društva u državama članicama u smislu stava 2., člana 48. Ugovora, s ciljem izjednačavanja zaštitnih mjera.

1. U kojoj mjeri su pravni propisi Bosne i Hercegovine usklađeni s Prvom direktivom o pravu privrednih društava? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
2. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
3. Dostavite cjelokupni spisak oblika privrednih društava na koje se primjenjuju pravila direktive. (Član 1.)
4. Dostavite spisak dokumenata i podataka koji se moraju objaviti u skladu sa članom 2.
5. Da li postoji jedan ili više elektronskih registara privrednih društava u vašoj zemlji? Da li se radi o centralnom registru? Ako ne postoji, imate li planove u tom smislu? Navedite očekivane rokove (Član 2.)
6. Da li privredna društva predaju dokumenta i podatke za registar elektronskim putem? (Član 2.)
7. Da li se dokumenta predana u štampanom obliku u registru konvertuju u elektronski oblik, u skladu sa članom 3., stav 3.?
8. Da li je sadržaj registara dostupan elektronskim putem u skladu sa članom 3., stav 4.? Da li svako ima pravo na uvid u podatke iz registra, bez navođenja osnovanog razloga za upit? Da li je predviđena taksa za uvid u podatke iz registra?
9. Postoje li takse za izdavanje određenih dokumenata (potvrda, kopija, prepisa, ovjera, obavještenja) koji se nalaze u registru? Ukoliko postoje, da li su te takse ograničene na

pokrivanje upravnih troškova nastalih pri izdavanju takvih dokumenata ili su one utvrđene na drugi način? Kakva je procedura za izdavanje tih dokumenata? Dostavite pregled dokumentacije, sa pozivanjem na naknade koje se koriste. (Član 3., stav 4.)

10. Kako se vrši objavljivanje dokumenata i podataka? Postoje li službeni glasnik? (Član 3., stav 5.)
11. Koja pravila utvrđuju oslanjanje trećih lica na objavljene podatke? Član 3. stavovi 6. i 7.
12. Da li privredna društva u vašoj zemlji moraju navesti u svojim dopisima i zahtjevima za registraciju podatke propisane članom 5.?
13. Jesu li propisane novčane ili druge kazne za privredna društva koja ne dostave primjerke svojih godišnjih finansijskih izvještaja u registar? Ukoliko jesu, koliki je iznos tih kazni? (Član 7.)
14. Da li postoje preventivne, upravne ili pravosudne kontrole u vrijeme osnivanja privrednog društva? Da li akt o osnivanju i drugi dokumenti moraju biti sastavljeni u određenoj formi? (Član 11.)
15. Da li se osnivanje privrednog društva može proglasiti ništavnim? Ako da, pod kojim uslovima? Dostavite reference na odgovarajuće propise koji uređuju ovo pitanje. (Članovi 12-13.)

Direktiva 2012/17/EU (o izmjeni i dopuni Direktive Vijeća 89/666/EEZ te direktiva 2005/56/EZ i 2009/101/EZ) u vezi s povezivanjem centralnih i komercijalnih registara, kao i registara privrednih društava.

16. U kojoj su mjeri pravni propisi Bosne i Hercegovine usklađeni sa navedenom direktivom? Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
17. Da li je predviđena koordinacija ili saradnja sa registrima privrednih društava iz država članica EU? Da li je već na snazi neki od memoranduma o razumijevanju, sporazuma o saradnji ili sličan dokument? U slučaju da postoji, molimo da dostavite kopiju.

Direktive 2004/109/EZ i 2013/50/EU o usklađivanju zahtjeva o transparentnosti u vezi s privrednim društvima koja kotiraju na berzi (i direktive 2008/22/EZ, 2010/73/EU, 2010/78/EU koje mijenjaju i dopunjavaju ove direktive).

18. U kojoj su mjeri pravni propisi Bosne i Hercegovine usklađeni sa navedenom direktivom? Ako domaći pravni propisi još uvijek nisu usklađeni sa ovom direktivom, postoje li planovi u tom pravcu? Navedite očekivani rok.
19. Da li se od privrednih društava koja kotiraju na berzi zahtijeva da objavljuju podatke o koncentraciji udjela prava glasa? Koji je prag tog udjela?
20. Postoji li centralni mehanizam za pohranjivanje i objavljivanje godišnjih i polugodišnjih računa privrednih društava koja kotiraju na berzi? Da li je omogućen pristup do ovih dokumenata? Navedite ukoliko je predviđena naknada za pristup ovim dokumentima.

Direktiva 2012/30/EU (preinačena 77/91/EEZ) sadrži pravila o osnivanju dioničkih društava, te održavanju i promjeni njihovog kapitala, i naknadne izmjene i dopune te Direktive (92/101/EEZ, 2006/68/EZ i 2009/109/EZ)

21. U kojoj su mjeri pravni propisi Bosne i Hercegovine usklađeni sa navedenom direktivom? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
22. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
23. Navedite ukoliko su za privredna društva utvrđeni zahtjevi za minimalni kapital i ukoliko jesu, dostavite tabelarni prikaz uz navođenje razlika za svaku vrstu privrednog društva po sektorima ili nivoima upravljanja.
24. Postoje li zaštitne klauzule koje štite kapital privrednog društva (npr. pravila o nenovčanim doprinosima, o raspodjelama akcionarima, o kupovini sopstvenih akcija od strane privrednog društva, o pružanju finansijske pomoći trećim licima za kupovinu akcija privrednog društva)?
25. Kakva vrsta zaštite se pruža akcionarima u vezi sa održavanjem i promjenom nivoa kapitala (npr. mogućnost donošenja odluka za osnovna pitanja, kao što je povećanje i smanjenje kapitala, prava preče kupovine i jednak tretman akcionara iz iste klase)?
26. Da li je dozvoljeno obavezno povlačenje akcija? Navedite relevantne propise.
27. Kojim se pravilima uređuje zaštita kreditora?

Direktiva 2011/35/EU (koja zamjenjuje Treću direktiva o pravu privrednih društava 78/855/EEZ) u vezi sa spajanjem javnih društava sa ograničenom odgovornošću i povezane direktive 2007/63/EZ i 2009/109/EZ

28. U kojoj mjeri su pravni propisi BiH usklađeni sa Trećom direktivom o pravu privrednih društava i njenim naknadnim izmjenama? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
29. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
30. Na koje oblike privrednih društava primjenjujete odredbe ove direktive? (Član 1.)
31. Kako vaši pravni propisi definišu „spajanje uz pripajanje" i „spajanje uz osnivanje novog društva"? (Članovi 2-4. i 30. i 31.)
32. Na koji način se sporazum o spajanju zaključuje? Da li je propisano da društva u procesu spajanja izrade nacrt uslova spajanja u pismenoj formi? Koji je sadržaj tog nacrta uslova za podjelu? (Član 5.)
33. Koja se pravila primjenjuju na objavljivanje, procjenu i usvajanje nacrta uslova spajanja? (Članovi 6-10.)
34. Na koji način propisi u vašoj zemlji štite kreditore društava koja su u procesu spajanja? (Član 13.)
35. Na koji način se kontroliše zakonitost spajanja u vašoj zemlji? (Član 16.)
36. Na koji način se spajanja registruju? Koja je svrha registracije spajanja?
37. Koje odgovornosti imaju članovi upravljačkih i nadzornih odbora?
38. Pod kojim uvjetima se može poništiti odluka o spajanju?

39. Navedite ukoliko postoje različita pravila koja se primjenjuju na spajanja uz osnivanje novog društva.

Šesta direktiva o pravu privrednih društava (82/891/EEZ) u vezi sa podjelom javnih društava sa ograničenom odgovornošću i njene naknadne izmjene i dopune(2007/63/EZ i 2009/109/EZ)

40. U kojoj mjeri su vaši pravni propisi usklađeni sa Šestom direktivom o pravu privrednih društava? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
41. Da li vaši pravni propisi omogućavaju podjelu privrednih društava? Ukoliko omogućava, na koje oblike privrednih društava primjenjujete odredbe ove direktive? (Član 1.)
42. Kako vaši pravni propisi definišu „podjelu preuzimanjem" i „podjelu osnivanjem novog društva"? (Članovi 2., 21. i 24.)
43. Kako se zaključuje sporazum o podjeli? Da li je propisano da društva u procesu podjele izrade nacrt uslova za podjelu u pismenoj formi? Koji je sadržaj tog nacrta uslova za podjelu? (Član 3.)
44. Koja se pravila primjenjuju na objavljivanje, procjenu i usvajanje nacrta uslova za podjelu društva? (Članovi 4-10.)
45. Na koji način vaši pravni propisi štite kreditore društava koja su u procesu podjele? (Član 12.)
46. Na koji način se kontroliše zakonitost podjele društava u vašoj zemlji? (Član 14.)
47. Kako se ta podjela registruje? Koji je svrha registracije podjele?
48. Koje odgovornosti imaju članovi upravljačkih i nadzornih odbora?
49. Pod kojim uvjetima se može poništiti odluka o podjeli?
50. Navedite ukoliko postoje različita pravila koja se primjenjuju u slučaju osnivanja novog društva.

Direktiva o prekograničnom spajanju društava kapitala (2005/56/EZ) - o prekograničnom spajanju društava sa ograničenom odgovornošću

51. U kojoj mjeri su vaši pravni propisi usklađeni sa Direktivom o prekograničnom spajanju društava kapitala?
52. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.

Jedanaesta direktiva o pravu privrednih društava (89/666/EEZ) u vezi sa obavezom objavljivanja podataka koji se odnose na filijale koje neke vrste društava osnivaju u državi članici , što je uređeno pravnim propisima druge države

53. U kojoj mjeri su vaši pravni propisi usklađeni sa Jedanaestom direktivom o pravu privrednih društava? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
54. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.

55. Molimo dostavite spisak dokumenata i podataka koji se moraju objaviti kada se filijala stranog društva registruje u vašoj zemlji (članovi 1-3.).
56. Da li vaši pravni propisi predviđaju prevođenje osnivačkih akata/ugovora o osnivanju/statuta, kao i računovodstvenih dokumenata? Ukoliko predviđa, da li zahtijevate da ovi prevodi budu ovjereni od ovlaštenog sudskog tumača? (Član 4.)
57. Da li vaši pravni propisi predviđaju da filijale privrednih društava van EU registruju svoja dokumenta i podataka u skladu sa članovima 7-9?
58. Da li filijale stranih privrednih društava u vašoj zemlji moraju navesti u svojim dopisima i zahtjevima za registraciju podatke propisane članovima 6. i 10?

Dvanaesta direktiva o pravu privrednih društava (2009/102/EZ) o jednočlanim privrednim društvima sa ograničenom odgovornošću

59. U kojoj mjeri su vaši pravni propisi usklađeni sa Dvanaestom direktivom o pravu privrednih društava? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
60. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
61. Ukoliko su jednočlana privredna društva dopuštena na temelju vaših pravnih propisa:
 - a) Koji podaci se zahtijevaju za registraciju ukoliko je jedini član i fizičko i pravno lice?
 - b) Na koji način jedini član donosi odluke na skupštini akcionara?
 - c) Na koji način jedini član i privredno društvo zaključuju zakonske transakcije?
62. U slučaju da vaši pravni propisi omogućavaju individualnim preduzetnicima da osnivaju preduzeća sa odgovornošću do određenog iznosa - umjesto mogućnosti osnivanja jednočlanih društava - da li postoje adekvatni instrumenti zaštite u vašim pravnim propisima, u skladu s članom 7. Direktive?

Trinaesta direktiva o pravu privrednih društava (2004/25/EZ) koja se odnosi na ponude za preuzimanje

63. U kojoj mjeri su vaši pravni propisi usklađeni sa Trinaestom direktivom o pravu privrednih društava? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi tih neusaglašenosti?
64. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
65. Kako je definisana kontrola privrednog društva u vezi sa obavezom dostavljanja obavezujuće ponude? Da li postoje drugi uslovi koji aktiviraju obavezujuću ponudu?
66. U skladu sa članom 4., dio 5. Direktive, koja odstupanja od Direktive su predviđena vašim pravnim propisima, a koja ovlaštenja za odstupanja su data nadzornom organu?
67. U kojim slučajevima je objavljivanje ponuda za preuzimanje obavezno? Postoje li izuzeci od ove obaveze?
68. Koji je obavezni sadržaj takve ponude o preuzimanju?

69. Da li je ponuda za cijenu uređena zakonom?
70. Da li su vaši propisi usklađeni sa članovima 9. i 11. Direktive?
71. Da li primjenjujete pravilo reciprociteta iz člana 12., dio 3. Direktive?
72. Koji su pragovi za otkup (član 15.) i prodaju (član 16.) nakon ponude za preuzimanje?

Direktiva o pravima akcionara (2007/36/EZ) - o izvršavanju pojedinih prava akcionara društava uvrštenih u kotaciju na berzi

73. U kojoj mjeri su vaši pravni propisi usklađeni sa Direktivom o pravima akcionara? Navedite relevantne pravne propise i dostavite tabelu usklađenosti, ukoliko postoje. Gdje su najveće neusaglašenosti, ukoliko ih ima? Koji su razlozi za te neusaglašenosti?
74. Ako domaći pravni propisi još uvijek nisu usklađeni sa direktivom, postoje li planovi u tom pravcu? Navedite očekivani rok.
75. Molimo da navedete konkretne detalje o provedbi sljedećih stavki:
76. Minimalni rok za obavještanje od 21 dan za većinu skupština akcionara, koji se može skratiti na 14 dana, gdje akcionari mogu glasati elektronskim putem a skupština akcionara je saglasna sa skraćenim rokom za sazivanje;
77. Sazivanje skupštine akcionara putem interneta, kao i objavljivanje dokumenata na internetu za razmatranje na skupštini akcionara najmanje 21 dan prije održavanja skupštine;
78. Ukidanje zabrane trgovanja akcijama u periodu sazivanja skupštine akcionara i uvođenje roka za evidentiranje akcionara u svim državama članicama, koji ne može biti duži od 30 dana prije održavanja skupštine akcionara;
79. Ukidanje prepreka elektronskom učešću na skupštinama akcionara, uključujući elektronsko glasanje;
80. Pravo da se postavi pitanje i obaveza društva da odgovori na pitanja;
81. Ukidanje postojećih ograničenja u vezi sa podobnošću lica koja djeluju kao opunomoćenici i ukidanje prekomjernih formalnih zahtjeva za imenovanje opunomoćenika

Uredba Vijeća (2157/2001/EZ) o Statutu evropskog društva - i Direktiva 2001/86/EK koja dopunjuje Statut evropskog društva u vezi sa učešćem zaposlenih i Uredba Vijeća (EEZ) 2137/85 o Evropskoj privrednoj interesnoj grupi (EEIG).

82. Jesu li otpočele pripreme kako bi se pravnim licima, od momenta pristupanja Bosne i Hercegovine Evropskoj uniji, omogućilo da se registruju kao evropska privredna društva ili evropske privredne interesne grupe? Ukoliko da, jesu li već preduzeti koraci (npr. pripreme bitnijih izmjena u IT sistemu registra, pripreme za obuku službenika odgovornih za registraciju takvih evropskih subjekata u budućnosti)?

Preporuke Komisije 2004/913/EZ, 2005/162/EZ, 2009/384/EZ i 2009/385/EZ u vezi s naknadama direktorima i nezavisnosti direktora i upravnih odbora, kao i Preporuka Komisije 2014/208/EU o kvaliteti izvještavanja o korporativnom upravljanju („poštuj ili objasni”):
83. Da li su preduzeti koraci ili postoji plan za njihovo preduzimanje, u smislu promocije primjene navedenih preporuka Komisije?

84. Da li je izrađen Kodeks korporativnog upravljanja ili postoji plan da se on izradi? Na čemu je on zasnovan (npr. na standardima OECD-a)? Koliko je obavezujuće poštivanje tog kodeksa (npr. dobrovoljno; poštuji ili objasni) i na koji način se provodi nadzor poštivanja kodeksa?
85. Ukoliko Kodeks korporativnog upravljanja postoji:
86. Koje su njegove glavne odredbe?
87. Na koji način se utvrđuje naknada za članove upravljačkih odbora? Da li se pojedinci u vezi s naknadama javno objavljuju?
88. Može li nadzorni odbor osnivati odbore? Da li zakon predviđa neke posebne odbore?

Administrativni kapacitet

89. Kako je podjela nadležnosti utvrđena između različitih nivoa vlasti i koja tijela su odgovorna za pravo privrednih društava u BiH? Kolika je veličina odjeljenja (jednog ili više) koje se bavi ovim pitanjem?
90. Dostavite uporednu tabelu sa vrstama privrednih društava koja su predviđena zakonom, uvjetima za njihovo osnivanje i ukupan broj privrednih društava u svakoj kategoriji.
91. Koje je prosječno vrijeme od podnošenja zahtjeva za registraciju do pravosnažne registracije privrednog društva? Koliki je broj trenutno registrovanih privrednih društava i privrednih društava registrovanih u posljednje dvije godine? Koliko trenutno ima zaposlenih u tijelima koja provode registraciju? Da li imate planove za povećanje broja zaposlenih? Kada to očekujete?
92. Molimo navedite upravno ili sudsko tijelo koje je odgovorno za osnivanje privrednih društava.
93. Postoji li mehanizam koji omogućava koordinaciju i saradnju sa registrima država članica EU (npr. u kontekstu prekograničnih spajanja privrednih društava)? Molimo da objasnite.

II. KORPORATIVNO RAČUNOVODSTVO I REVIZIJA

A. Računovodstvo

Direktiva 2013/34/EU o godišnjim finansijskim izvještajima, konsolidovanim finansijskim izvještajima i povezanim izvještajima za određene vrste poduzeća (o izmjeni Direktive 2006/43/EZ i o stavljanju van snage direktiva Vijeća 78/660/EEZ i 83/349/EEZ) i Direktiva 2014/95/EU o izmjeni Direktive 2013/34/EU u pogledu objavljivanja nefinansijskih informacija i informacija o raznolikosti određenih velikih poduzeća i grupa. Također, i Uredba (EZ) 1606/2002 o primjeni međunarodnih računovodstvenih standarda.

94. Koje pravne instrumente imate u oblasti računovodstva? Postoje li službena uputstva ili preporuke tijela nadležnog za utvrđivanje standarda?
95. Na koja se privredna društva primjenjuju opšti propisi? Postoje li posebni propisi za društva s ograničenom odgovornošću?
96. Da li su zahtjevi u pogledu veličine privrednog društva i veličine grupe usklađeni sa Direktivom o računovodstvu?
97. Da li je računovodstveni okvir koji se primjenjuje na mala privredna društva usklađen sa Direktivom o računovodstvu?

98. Da li je uveden pojam "subjekt od javnog interesa"?
99. Postoji li zahtjev da se izradi izvještaj o upravljanju (prvobitni godišnji izvještaj)? Vršiti li se revizija izvještaja o upravljanju u skladu sa Direktivom o računovodstvu?
100. Da li je uvedeno izvještavanje po zemljama za ekstraktivnu industriju i privredna društva koja se bave sječom primarnih šuma, kao instrument za utvrđivanje jesu li vladama uplaćeni porezi?
101. Da li ste usklađeni sa izuzecima iz konsolidacije, kao i sa zahtjevom za izuzimanjem malih grupa?
102. Jesu li konsolidovani računi kao i računi pojedinačnih privrednih društava propisani zakonom?
103. Od kojih privrednih društava se zahtijeva da pripremaju godišnje i /ili konsolidovane račune u skladu sa Međunarodnim standardima o finansijskom izvještavanju (MSFI)?
104. Da li svi konsolidovani računi trebaju biti pripremljeni u skladu sa MSFI? Koji standardi MSFI se primjenjuju?
105. Koji računovodstveni standardi se primjenjuju za privredna društva koja ne primjenjuju MSFI?
106. Da li zahtijevate bilo kakva dodatna objavljivanja osim onih koja su predviđena MSFI-jem?
107. Da li se pojedinačni i konsolidovani finansijski izvještaji objavljuju u registrima privrednih društava?
108. Koje su sankcije predviđene za nepoštivanje standarda finansijskog izvještavanja?
109. Da li planirate reforme pravnih instrumenata u oblasti računovodstva? Ukoliko je odgovor potvrđan, koji je njihov sadržaj i kad se planira njihovo usvajanje?
110. Da li je u tim reformama uzeta u obzir Uredba o Međunarodnim računovodstvenim standardima (MRS) 1606/2002?

B. Zakonski revizori

Direktiva 2006/43/EZ i 2014/56/EU on zakonom propisanim revizijama godišnjih finansijskih izvještaja i konsolidovanih računa; kao i Uredba 537/2014/EU o posebnim zahtjevima u vezi zakonske revizije lica od javnog interesa.

111. Koje pravne instrumente imate u oblasti revizije? Da li je predviđena revizija godišnjih ili konsolidovanih finansijskih izvještaja? Ukoliko jeste, koja revizija godišnjih i konsolidovanih finansijskih izvještaja se smatra „zakonskom revizijom“?
112. Koje uslove moraju zadovoljiti zakonski revizori za dobijanje dozvole za rad (obrazovne kvalifikacije, stručna kompetentnost, obuka, iskustvo, etička pravila)?
113. Da li su revizori i revizorske firme upisani u javni registar?
114. Ko vodi registar zakonskih revizora i revizorskih kuća?
115. Koliko je revizora i revizorskih kuća registrovano do današnjeg dana (odnosno u posljednjoj godini za koju su dostupni pouzdani podaci; molimo navedite koja je to godina)?
116. Koja pravila uređuju odobravanje revizora iz trećih zemalja?

117. Postoje li posebni zahtjevi za zakonske revizije i revizorske kuće koje vrše reviziju subjekata od javnog interesa?
118. Da li se prikupljaju i objavljuju svi podaci o tržištu revizije? Ukoliko da, da li se to radi isključivo za reviziju subjekata od javnog interesa ili subjekata koja nisu od javnog interesa?
119. Da li je već osnovan nezavisni javni nadzor za revizore?
120. Postoji li vanjski sistem osiguranja kvalitete za zakonske revizore i revizorske kuće? Ukoliko da, je li ovaj sistem osiguranja kvalitete objektivna i nezavisna od revizijske struke?
121. Da li je stručno tijelo uključeno u javni nadzor i u kojoj mjeri?
122. Opišite ko je odgovoran za inspekcijski nadzor/istrage, pripremu izvještaja o inspekcijskom nadzoru i objavljivanju nalaza inspekcije i izvršavanje kaznenih mjera?
123. Na koji način se osiguranje kvalitete i istrage u pogledu zakonske revizije subjekata od javnog interesa?
124. Koji je kapacitet tijela za vršenje inspekcijskog nadzora u pogledu broja inspektora i njihovih kvalifikacija?
125. Koje tijelo utvrđuje program rada i standarde za obavljanje inspekcijskog nadzora (djelokrug rada tog tijela, metode obavljanja inspekcijskog nadzora i dr)?
126. Postoji li evidencija postignutih rezultata inspekcijskog nadzora koji je već završen i da li su ti rezultati objavljeni?
127. Da li se koristi bilo kakva vanjska ekspertiza tokom inspekcijskog nadzora?
128. Koje vrste kaznenih mjera se primjenjuju na nezakonit rad revizora?
129. Kako se javni nadzor/osiguranje kvaliteta finansira?
130. Da li se od revizora zahtijeva da primjenjuju Međunarodne standarde revizije?
131. Postoji li etički kodeks koji se primjenjuje na revizore?
132. Koji su zahtjevi u pogledu nezavisnosti revizora i pravila sukoba interesa?
133. Na koji način se suočavate sa prijetnjama upućenim nezavisnosti revizora (vlastita revizija i vlastiti interes)?
134. Da li su utvrđena bilo kakva posebna pravila povjerljivosti i poslovne tajne?
135. Da li saradujete sa nadležnim organima iz trećih zemalja u oblasti revizije? Da li je u tu svrhu potpisan bilo kakav memorandum o razumijevanju ili drugi sporazum o saradnji? U slučaju da postoji, molimo da dostavite primjerak.